



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Avla ... Thesavrorvm Dei In Passione D. N. Iesv Christi
Effusorum ad Resvrrectionem Mvltorum**

Eyschen, Georg von

Coloniæ, 1657

§. 13. Et dixit ad eos: Ecce introeuntibus vobis in Civitatem, occurret vobis homo quidam amphoram aquæ portans. v. 10.

urn:nbn:de:hbz:466:1-45549

nes subditi, filii famulique se in ista virtute exerceant, & vitium illi oppositum detestentur.

§. 12. *At illi dixerunt: vbi vis paremus? v. 9.*

Cum iam post monitionem Discipulorum Christus Dominus duos & collegio suo Legatos designasset Petrum & Iohannem, qui ad paranda paschalia impendia irent, (vtrique nouo exemplo, cum precedentibus annis, id munus indubiè obierit Iudas Iscariothes, qui modo prodicionis consiliis occupatus erat) prudentiam quoque suam in eo monstrarunt Legati quod cæcè seu stupidè non abierint, sed de loco parandi necessaria, Magistri mentem prius requisierint dicentes: *Vbi vis paremus?*

Benè, benè fecistis vos Legati, qui mentem vos ablegantis Domini benè perquisistis, ut benefungi possitis officio vestro, & gratam rem præstare Magistro & Domino vestro. Ego vos nunc cum Domino beatos interpello & oro, ut mihi & omnibus Ministris gratiam impetretis, ut rationaliter in cunctis officiis & negotiis demandatis procedamus, maxime autem ut semper & in omnibus, ad mentem & voluntatem principalium nostrorū attendamus, veluti regulam, illique nos per omnia studiosissime conformare laboremus. & Tu Dñe Iesu Christe fac, ut quæ præcipis & vis, sicut hi duo dilecti tibi discipuli, intelligamus rectè, & impleamus exactè, voluntatem nostram peruersam corrige, veram atque perfectam largire obedientiam, qua non tantum mandatis tuis obtemperemus, sed etiam consiliis atque inspirationibus tuis, sine vlla contradictione & repugnantia, obsequamur.

§. 13. *Et dixit ad eos: Ecce introeuntibus vobis in Civitatem, occurret vobis homo quidam amphoram aqua portans. v. 10.*

Bonam vidimus prudentiam Discipulorum in quaerendo, videamus nunc maiorem in Magistro eorum. Quæsiuerant de loco ubi pararent necessaria ad Pascha, ille locum designat, sed non sine miraculo inueniendum à suis Legatis. A deo ut, dum eos docet inuenire locum corporalem, ipse sibi ipsamet in eorum animabus locum pareret per fidei experimenta tanta, quanta nemo potest facere, nisi vel Deus sit, vel Deus cum eo fuerit. nam futurum contingens ostendit esse in sua scientia, & potestate, ut illud videntes, de cætero sibi dicturo, *Hoc est Corpus meum*, non diffidant.

Video Domine, ô sapientia æterna, quod omnia in sapientia disponis suaviter, mittis quasi in incertum dilectos tibi Apostolos, fide, amore, & obedientia insigniores, ut inueniant quod quaerant, inuenientes credant, firmius amore perficiant, quod mandasti; obedientia impleant perfectius mandatum

datam tuam. Sed quid est, quod Dominus, qui omnia contingentia habebat parata ad obsequium, ex omnibus illis, hominem portantem lagenam aquæ elegit. Non est hoc sine sapientia summa factum. In figura ostendit, quid postea veller in Ecclesia sua seruari, nimirum mundationem, suo paschatipræmitti, ut non sumatur ad damnationem, quod est datum ad salutem.

§. 14. *Sequimini eum in domum, in quam intrat. v. 10.*

Famulum scilicet, qui amphoram aquæ portabit in domum domini sui, sic nos si cupimus dignum & aptum parare in anima locum, quo corpus Christi in Sacramento excipiamus sequi debemus hunc famulum per quæ humilitas cordis significatur, qui est signum pœnitentiæ, humilitatis, contritionis, præparationisque per fidem, spem & charitatem, tunc enim potest rationabiliter ad animas nostras intrare potestas Apostolica, quæ est limitata ad remittenda peccata, quia debet exercere iudicia, super sedes duodecim tribuum. Alia est potestas Christi. Intrat ille in domos cordium humanorum, in quacunque dispositione, si ei lubeat, Apostoli in certo signo signatas solum, & ibi parant pascha. Sed quomodo, mi Iesu, dicis, *sequimini eum* alium quam te? nunquid vocando eos ad Apostolatam & alias dixisti? *sequimini me!* sicine de vno ad alium mittis tibi deuotos? ita est, sed omnia prudentissime propter electos, *sicut enim me misit viuens pater, & ego mitto meos vt operentur gloriam meam, & sicut mihi mandatum dedit pater, & ego mando meos, vt ego obedui patri, & foris qua placita fuerunt ei semper, ita meorum est discipulorum meos obedire mandatis, & sicut laborum mercedem ego capi meorum, ita illi in æternis habitaculis fuerum laborum apostolicorum premia reportabunt.*

Domine ad quæcunque mittis tibi dilectos Apostolos pergunt sine contradictione, imo cum læticia, vt voluntatem tuam, & iussum implete possint, & in hoc inueniunt consolationem, non sicut quidam inobedientes, qui propria voluntate deligunt sibi tempora, loca, solatia, vbi tamen postea inueniunt se omni consolatione destitutos, sed boni obedientes eunt ad terras quasi desolatatas, & tamen inueniunt se sibi consolatos, quia *vir obediens loquetur victorias*, uti dicit sapiens. Obediam igitur semper Deus meus vt præter consolationem dulcedinis tuæ, etiam victoriam de insidiantibus mihi obtinere valeam, per te Iesu Christe saluator mundi

§. 15. *Et dicitis patri familias domus. v. 11.*

Quis autem hic fuerit pater familias? quidam curiosè scire desiderant, sed opinandum est, id è scriptura dictum iri, si hoc magis nobis profuisset, videretur fuisse vir honestus, & diues, amplas habens ædes & vt videretur ami-